


淫律異相

牙十四

四百零一

丙四

51122



經律異相卷第十四

梁沙門 寶唱等譯

丙

聲聞無學第二 僧部第三

舍利弗從退大乘而向小道一

舍利弗從生及出家得道二

舍利弗請佛制戒三

舍利弗受灌園人浴今生天上四

舍利弗化人蟒今生天上五

舍利弗入金剛定為鬼所打不能毀

傷六

舍利弗性慙難求七

舍利弗先佛涅槃八



舍利弗目連摘現神力九

目連使阿耆河水漲作寶橋度佛十

目連為母造盆十一

目連為魔所嬈十二

目連勸弟施并待報處十三

目連伏菩薩慢十四

目連以神力降化梵志十五

目連化諸鬼神說先罪十六

目連現二神足降二龍王十七

目連遷無熱報池現金翅鳥十八

目連三觀不中其心皆實十九

目連心實事虛二十

舍利弗退大乘而向小道一

舍利弗於六十劫中行菩薩道欲渡布施河時有一人來乞其眼舍利弗言眼無所任何以索之若須我身及財物者當以相與荅曰唯欲得眼舍利弗出一眼而與之乞者得眼唾而脚踏舍利弗言如此等人難可度也不

自調早伏生死於是迴向小乘

出大智論第十二卷

舍利弗從生及出家得道二

南天竺有婆羅門名曰提舍為大論議師其

妻懷妊夢見一人身被甲冑手執金剛摧破

諸山在山邊立提舍問之曰汝當生男摧伏

諸論議師唯不如一人為作弟子懷妊已後

母大聰明甚能論議弟拘郗羅與姊言談每  
事屈滯知所懷子必大智慧捨家學問不暇  
剪爪時人呼為長爪梵志姊生兒七日字曰

優波提舍

出曜經云  
優波替

時人以母所生共為之号名舍利弗年始八  
歲誦十八部經通解一切書籍時摩伽陁國  
有龍王兄弟一名吉利二名阿伽羅降雨以  
時國無荒年人民感之常以仲春之月一切  
大集至龍住處為設大會作樂談義終此一  
晨自古及今斯集未替敷四高座一為國王  
二為太子三為大臣四為論士舍利弗八歲  
之身觀察時人神情矚向無勝已者便昇論

座結跏趺坐衆人疑恠或謂愚小無智或謂  
智量過人雖復嘉其神異猶懷矜耻以其年  
小不自與語皆遣年少弟子傳言問之荅酢  
流便辭理超絕時諸論師歎未曾有愚智大  
小一切皆伏王大歡喜即命有司封一聚落常  
以給之國內大小無不慶悅時吉占師子名  
拘律隨姓大目犍連舍利弗共為親友舍利  
弗才明見貴目犍連豪爽致智才智相比行  
止必俱結要終始後俱厭世出家學道作梵  
志刪闍耶弟子問於師曰求道所得師荅之  
曰自我求道弥歷年歲不知為道果無耶我  
非其人耶而亦不得他日其師寢疾舍利弗

在頭邊立大目連在足邊立喘喘然其將終  
乃愍介而笑二人問笑意師荅之言世俗無  
明爲恩愛所侵我見金地國王死其大夫人  
自投火積求同一處而此二人行報各異生  
處殊絕是時二人筆受師語欲以驗其虛實  
後有金地商人遠來摩伽陁國二人以疏驗  
之果如師語乃撫然歎曰我等非其人耶爲  
是師隱我耶二人相與誓曰若先得甘露要  
畢同味佛度迦葉兄弟千人次遊王舍城時  
一比丘名阿說示之五人著衣持鉢入城乞  
食舍利弗見其容儀超異諸根靜默問曰汝  
師是誰耶荅曰釋種太子馱老病死苦出家



學道得無上菩提是我師也舍利弗言為我  
說法汝師教授法答曰

我年既幼稚 學日又初淺 豈能宣至真

如來廣大義

又曰略說其要答曰

諸法因緣生 是法因緣滅

舍利弗即得初道

出曜經云  
得無著果

還為目連說

亦得初道二師為各與二百五十弟子俱到

佛所佛遙見之指舍利弗是我弟子中智慧

第一又指目連云神足第一今與其弟子大

眾俱來白佛言我等願從佛法出家佛言善

來比丘即時鬚髮自落法服著身衣鉢具足

受成就戒過半月後聞佛為長爪梵志說法

即得阿羅漢道

出大智論  
第十一卷

舍利弗請佛制戒三

佛住舍衛城舍利弗請佛制戒諸比丘言云  
何未有過而求制戒佛言舍利弗不但今日  
未有過而請制戒其往昔時在一聚落人民

居士未有過患亦嘗請我制諸刑罰時國名  
迦尸域名波羅柰國王名淨稱淨稱以法治  
化布施持戒以道汎愛人民致盛富樂豐實  
村里邑屋雞飛相接舉國相敬常作諸妓共  
相娛樂時有大臣名曰陶利多諸謀策白王  
言今日境內自然富樂人民相敬願王制立

刑罰莫令樂極生過王曰卿諸大臣聰明有  
智多有朋黨不可卒制若一呵責或生豐咎  
王欲薄啓其意乃說偈言

縱力喜瞋怒 哀愍必治制 化民以正法

令心無忿蔽

大臣感喜亦說偈言

最勝人中尊 調伏久任世 以道治蒼生

慈陰無極衆

佛言淨稱者則我身是大臣者舍利弗是出僧

祇律第一卷

舍利弗受灌園人浴令生天上四

舍利弗夏盛熱時遊菴羅園一客作人汲井

水灌樹於佛無有大信見舍利弗發小信心  
喚舍利弗言大德來脫衣樹下坐我以水澆  
不失漑灌兼相利益舍利弗脫衣受洗身得  
涼樂隨意遊行此客作人其夜命終即生忉  
利天上有大威力次釋提洹因便自念言我  
何因生此自觀宿命信心微薄因客作漑灌  
汲水洗浴舍利弗身我若信心淳厚知必有  
報故設浴具以爲供養自惟爲功雖少以遇  
良田獲報甚多即詣舍利弗所散華供養舍  
利弗因其清信之心爲說法要得須陀洹道

出雜  
藏經

舍利弗化人蟒令生天上五

昔舍衛國一旦雨血縱廣四十里王與羣臣咸大驚恠即召諸道術及知占候使推爲吉凶占者對曰舊記有去雨血之灾應生人蟒毒害之物宜推國內障別灾禍王曰何以別知占師曰是爲人蟒難可別知試勅國中有新生小兒即皆悉送來以一空盆使衆兒唾之中有一兒唾即成火燄當知此兒正是人蟒議曰此不可著人間即徙置閑隱無人之處國中有應死者可送與之人蟒吐毒殺人如是前後被毒所殺七万二千人後有師子來出震吼之聲四十里內人物攝伏周流暴害莫能制御於是國王即募國中能却師

子者與金千斤封一大縣無有應者衆臣白  
王唯當有人蟒能却勅使往喚人蟒人蟒逢  
見師子至往住其前毒氣吹師子即死國致  
清寧後時人蟒年老得病命將欲終佛愍其  
罪重一墮惡道無有出期告舍利弗汝往訓  
之使脫重殃舍利弗便忽住其前蟒大隆怒  
念曰吾尚未沒爲人所易無所啓白徑來我  
前便放毒氣謂能害之舍利弗以慈悲攘却  
光顏舒懌一毛不動三放毒氣而不能害即知其  
尊意解善生更以慈心上下七反視舍利弗舍利  
弗便還精舍吸氣人蟒終于其日即天地大動  
極善能動天地極惡亦能動時摩竭王即詣佛

所稽首于地問世尊曰人蟒命終當趣何道佛  
言今生第一天上王聞佛語恠而更問佛言大  
罪之人何得生天佛言以見舍利弗慈心七  
返上下視之因是之福生第一天福盡當生  
第二天上至七返以後當得辟支佛而般泥  
洹王白佛言七万二千人罪不復償耶佛言  
末後作辟支佛時身當如紫磨黃金時當在  
道邊樹下坐定意時當有大軍衆七万餘人  
遇見辟支佛謂是金人即取斫破各各分之  
肉墮手中視之是肉皆還聚置而去因是般  
泥洹今世之罪乃尔薄償便畢佛告王遇善  
知識者山積之罪可得消滅亦可得道

第九卷

舍利弗入金剛定為鬼所打不能毀傷六

佛在羅閱城迦蘭陀竹園時尊者舍利弗在

耆闍崛山中入金剛三昧

雜阿含云新剃鬚髮

是時有

二鬼一名伽羅二名優婆伽羅毗沙門天王

使遣至毗留勒天王所欲論人天之事是時

二鬼從彼虛空而過遙見舍利弗結跏趺坐

繫念在前意寂然定伽羅鬼語彼鬼言我今

堪任以拳打此沙門頭優婆伽羅鬼語第二鬼

曰汝勿興此意打沙門頭所以然者此沙門

極有神德有大威力世尊弟子中聰明智慧

最為第一備於長夜受苦無量是時彼鬼再



三曰我能堪任打此沙門頭優婆伽羅鬼報  
曰汝今不隨我語者汝便住此吾捨汝去此  
惡鬼曰汝畏沙門乎優婆伽羅曰我實畏之  
設汝以手打此沙門者地當分為二分當暴  
風疾雨地亦震動諸天驚怖四天王已知我  
不安其所是時惡鬼曰我今堪任辱此沙門

善鬼聞已便捨而去時彼惡鬼即打舍利弗  
頭是時天地大動四面暴風疾雨尋時來至

分為二分惡鬼全身墮地獄中

雜阿含云舍  
利弗言燒我

煮我伽吒鬼  
陷地獄中

舍利弗從三昧起整衣服往詣竹園至世尊  
所頭面禮足在一面坐時佛告舍利弗曰汝

今身體無疾病乎舍利弗言體素無患唯苦  
頭痛世尊告曰有伽羅鬼手打汝頭若當彼  
鬼以手打須彌山者山便爲二分所以然者彼  
鬼有大力今此鬼受其罪報故全身入阿鼻  
獄中尔時世尊告諸比丘甚奇甚特金剛三  
昧力乃至於斯由此三昧無所傷害正使須  
彌山打頭者終不能動其毛所以然者比丘  
聽之於此賢劫中有佛名拘樓孫彼佛有二  
大聲聞一名等壽二名大智等壽神足第一  
大智智慧第一如我今日舍利弗智慧第一  
目捷連神足第一時等壽大智二比丘俱得  
金剛三昧等壽一時在閑靜處入於寂定時

牧牛羊人取薪草人見各相謂言此沙門今  
取無常即共集草木薪積其身上以火焚燒捨  
之而去是時等壽尋從定起正衣服入村乞  
食諸取薪人還見比丘各相謂言此比丘昨  
日命終我等以火焚燒今日還活今當立字  
字號還活若比丘得金剛三昧者入水火刀  
劍不能中傷金剛三昧威德如是今舍利弗  
得此三昧多遊二處空空三昧金剛三昧出增

第一阿舍經  
第三十卷

舍利弗性慙難求七

舍利弗等受六羣比丘尼請設多美飲食下  
座及沙弥與六十日稻飯胡麻滓合菜煮佛

問羅睺羅僧飲食飽足不具答又問有誰上座  
又答和上舍利弗佛言舍利弗食不淨食舍利  
弗吐去所食誓盡形壽斷受外請常行乞食  
諸大貴人後欲設僧飯願得舍利弗白佛乞勅  
舍利弗還受外請佛言莫求其性惡慳其過  
去時有一國王為毒虵所螫能治毒師作舍  
伽羅呪收毒虵來先作火聚語虵言汝寧入  
火寧還喻毒虵思惟我已唾竟乃投身火中  
毒虵即舍利弗也

出十誦律序下卷又出  
沙塞律第三十一卷又出

僧祇律第  
四十一卷

舍利弗先佛涅槃八

佛告阿難得四神足者能住壽一劫如來今

者當壽幾許如是至三阿難為魔所迷默然  
不對又告阿難汝可起去靜處思惟即起至  
林中時魔波旬來至佛所白言世尊處世教  
化度人周訖蒙脫生死數如恒沙時年又老  
可入涅槃即告魔言却後三月當般涅槃波  
旬聞說歡喜而去阿難睡夢見有大樹普覆  
虛空一切羣萌靡不蒙賴旋風卒起吹激其  
樹滅於力士所住之地一切群生莫不悲悼  
阿難驚覺怖不自寧思惟所夢將無世尊欲  
般涅槃來至佛所而白佛言我向所夢如斯  
之事將無世尊欲般涅槃佛告阿難如汝所  
言吾後三月當般涅槃我向問汝若有得四

神足者能任壽一劫吾四神足極能修善如是滿三而汝不對魔來勸我當取涅槃吾以許之阿難悲慟不能自持其諸弟子展轉相語各懷悲仰來至佛所誰得常存我為汝等應作已作應說已說汝等但當勤修精進何為憂感舍利弗聞佛涅槃深懷歎感不忍見世尊而取滅度今欲在前而入涅槃唯願世尊當見體許如是至三世尊告曰宜知是時一切賢聖皆當寂滅舍利弗即整衣服三業供養却行而去將沙彌均提詣羅閱祇至本生城即勅均提汝往入城及至聚落告國王大臣舊故知識諸檀越輩來共取別均提宣

告和尚舍利弗將般涅槃諸欲見者宜可時  
往阿闍世王及諸四輩各自馳奔舍利弗如  
是種種廣為諸人隨病設藥衆會有得初果  
乃至三果或有出家成阿羅漢者復有誓心  
求佛道者聞說法已作禮而去於後夜分正  
身正意繫心在前入於初禪從初禪起入第  
二禪如是次第入滅盡定從滅定起而般涅  
槃時天帝釋與多天衆來至其所讚歎供養  
帝釋又勅毗首羯磨合集衆寶莊校高車送  
平博地勅諸夜叉往大海邊取牛頭栴檀積  
為大藉安身在上酥油灌之放火闍維火滅  
之後均提拾取舍利盛著鉢中攝其三衣擔

至佛所阿難悲悼言法輪大將已取涅槃  
我何憑怙佛曰其雖滅度五分法身亦不滅  
也舍利弗過去世時亦不堪忍見於我死而  
先我前死阿難白佛不審往昔先前取死其  
事云何佛告阿難過去久遠不思議劫此閻浮  
提有一國王名梅訶婆羅脾梁言月光王有二萬  
夫人采女其第一夫人名須摩檀梁言華施一萬  
大臣其第一者名摩旃陀梁言大月王有五百太  
子最大太子名曰尸羅跋陀梁言戒賢王所住城  
名跋陀耆婆梁言賢壽其城縱廣四百由旬四面  
周帀凡有百二十門設大檀施隨眾所須盡  
給與之并復告下八萬四千諸小國土悉令



開藏給施一切衆臣和教即豎金幢擊於金鼓廣布宣令。膳王慈詔遠近內外咸令聞知。於時國內沙門婆羅門貧窮孤老有乏短者強弱相扶集如雲雨稱意與之。閻浮提民蒙王恩澤有一小國其王名曰毗摩斯那聞見月光王美稱高大心懷嫉妬寢不安席即自思惟月光不除我名不出當設方便請諸道士募求諸人。婆羅門言王有何憂當見示語。主言彼月光王名德遠著一切承風我獨卑陋無此美稱願得除之作何方便。婆羅門言月光慈惠澤潤窮厄如民父母我等何心從此惡謀寧自殺身不能爲此。即各罷散不顧。

供養時毗摩斯那益增愁憤即出廣募周遍  
宣令誰能爲我得月光頭分國半治以女妻  
之亦時山脇有婆羅門名勞度差來應王募  
王甚歡喜重語之言苟能成辦不違信誓若  
能去者當以何日婆羅門曰辦我行道糧食  
所須至後七日便當發別時婆羅門作呪自  
護七日已滿便來辭王王給所須進路而去  
時月光國預有變恠八万四千諸小國王皆  
夢大金幢卒折金鼓卒裂大月大臣夢鬼奪  
王金冠各懷愁憂不能自寧時城門神知婆  
羅門欲乞王頭遮不聽入時婆羅門遶城數  
帀不能得前首陁會天知月光王以此頭施

於檀得滿便於夢中而悟王言汝誓布施不  
逆衆心乞者在門無由得前欲爲施主事所  
不然王覺愕然即勅大月汝往詣門勅勿遮  
人大月大臣往到城門時城門神即自現形  
白大月言有婆羅門從他國來懷挾惡心欲  
乞王頭是以不聽大臣荅曰是爲大灾然王  
有教理不得違當柰之何當作七寶頭各五  
百故用賀易之即勅令作時婆羅門徑至殿  
下前高聲唱言我在遐方聞王功德一切布  
施不逆人意故涉遠來欲有所得王聞歡喜  
迎爲作禮問訊行道不疲極耶隨汝所願婆  
羅門言一切外物雖用布施非我所須我故

遠來唯乞王頭若不辜逆當見施與王聞是  
語踊躍無量婆羅門言若施我頭何時當與  
王言却後七日當與汝頭尔時大臣擔七寶  
頭來前語婆羅門言此王頭者骨肉血合不淨  
之物用索此為今持尔所七寶之頭以用質  
易汝可取之轉易足得終身之富婆羅門言我  
不用此欲得王頭全我所志時大月臣種種  
曉喻永不迴轉憤感心裂七分而死王前勅  
詔臣下乘八千里象遍告諸國言月光大王  
却後七日當持其頭施婆羅門若欲來者速  
時馳詣尔時八万四千諸王駱驛而至咸見  
大王腹拍王前閻浮提人賴王恩澤云何一

且爲一人故永捨衆庶更不矜憐唯願垂愍  
莫以頭施一万大臣皆身投地腹拍王前唯  
見哀愍矜恤我等莫以頭施二万夫人亦身  
投地仰白王言莫見忘捨唯垂蔭覆若以頭  
施我等何怙五百太子啼哭王前我等孩幼  
當何所歸願見愍念莫以頭施長養我等得  
及人倫於是大王告諸臣民夫人太子計我  
從本受身已來涉歷生死由來長久若在三  
塗截斷其頭死而復生如是無數亦無福報  
若生人間諍於財色爲貪恚癡恒殺多身未  
曾爲福而捨此命今我此身種種不淨會當  
捐棄不能得又捨此穢頭用賀大利何得不

與我持此頭施婆羅門以是功德誓求佛道  
度汝等苦今我施心垂欲成滿慎莫遮我無  
上道意一切諸王臣民夫人太子聞王語已  
默然無言尔時大王語婆羅門欲取頭者今  
正是時婆羅門言今王臣民大眾圍遶我獨  
一身力勢單弱不堪此中而斫王頭欲與我  
者當至王後園尔時大王告諸小王太子臣  
民汝等若必愛敬我者慎勿傷害此婆羅門  
作此語已共婆羅門入於後園時婆羅門又  
語王言汝身盛壯力士之力若遭斫痛儻復  
還悔取汝頭髮緊繫在樹尔乃能斫時王用  
語語婆羅門汝斫我頭墮我手中然後取去

今以頭施用求無上正真之道誓濟群生時  
婆羅門舉手欲斫樹神見此甚大懊惱如此  
之人云何欲殺即以手搏婆羅門耳其頭反  
向手脚繚戾失刀在地不能動搖尔時大王  
仰語樹神我過云已來於此樹下曾以九百  
九十九頭以用布施今捨此頭便當滿千捨  
此頭已於檀便具汝莫遮我無上道心尔時  
樹神聞王是語使婆羅門平復如故時婆羅  
門便從地起還更取刀便斫王頭頭墮手中  
尔時天地六反震動諸天宮殿掉動不安各  
懷恐怖惟其所以尋見菩薩爲一切故捨頭  
布施皆悉來下感其奇特悲淚如雨因共讚

言月光大王以頭布施於檀波羅蜜今已得  
滿音聲普遍彼毗摩羨王聞此語已喜踊驚  
愕心擘裂死時婆羅門擔王頭去諸王臣民  
夫人太子已見王頭自投于地同聲悲叫絕  
而復蘇時婆羅門嫌王頭臭即便擲地脚踏  
而去或復有人語婆羅門汝之酷毒劇甚乃  
尔既不中用何為乃索時婆羅門進道而去  
人見便責無給食者飢餓萎悴困切極理道  
中有人因問消息知毗摩羨王已復命終失  
於所望及勞度差命終皆墮阿鼻泥犁其餘  
臣民思念王恩感結死者皆得生天如是阿  
難欲知尔時月光王者今我身是毗摩羨王



今波旬是時大月大臣今舍利弗是當於尔

時不忍見我死而先我若前死乃至今

日不忍見我入於涅槃而先滅度賢愚經第五卷方便

佛報恩經大同小異

舍利弗目連捕現神力九

佛在舍衛城祇樹給孤獨園時世尊於十五

日說戒時諸比丘僧及五百比丘眾大智論五百大

羅從祇洹沒詣阿耨達池時阿耨達龍王至

世尊所頭面禮足在一面坐觀如來顏色及

諸比丘即白佛言觀此眾中皆空無所有舍

利弗比丘今無此座佛告目連言汝速往至

舍利弗所以我聲告目連承教往舍衛城謂

舍利弗言佛呼汝來阿耨達龍王欲得相見  
舍利弗自解祇支帶著目連前謂目連曰汝  
有神足舉此衣帶結閻浮提樹目連執帶不  
能移動盡力欲舉地皆大動舍利弗便徙目  
連著弗干逮又以纏須彌山目連便舉動須  
彌山舍利弗復以此帶纏如來座目連遂不  
能動捨帶還龍王所遙見舍利弗已在前至  
結跏趺坐直身正意繫念在前至世尊所頭  
面禮足白言我不失神足耶何以故我從祇  
洹前沒不現後至此池舍利弗後沒不現先  
至在座世尊常說我第一去何後至佛曰不  
退舍利弗比丘有大智慧還舍衛城衆亦生

疑佛告目連衆多比丘無恭敬心於汝言舍利  
弗神足勝汝可於此衆中現其威力對曰承  
教即於座起住須彌山頂以一足蹈須彌山  
頂舉一足著梵天上蹴須彌山使地六反震  
動時以梵音而說此偈

當速求方便

於此佛法衆

當除生死患

如象食竹葉

若於此佛法

修諸無欲業

已除諸塵勞

亦盡苦源本

時諸比丘歎未曾有大目犍連說此偈時六

十比丘因此漏盡

出增一阿舍經  
第二十七卷

目連使阿耨河水漲化作寶橋渡佛十

舍衛城人勸化大會飯九十六種出家人復

請波斯匿王及太子羣臣諸聚落主宿舊長者及薩薄等先一日集阿耨河岸上前至爲上座目連使河水暴漲泡沫弥岸諸外道等競縛簿筏適欲先渡取第一座而水激急洄瀆漂還竟夜疲苦簿筏破散沒溺寒凍上於岸邊向日而蹲時祇洄精舍有人請僧佛住待時有年少比丘言世尊出晚恐外道得上座去佛知時到與諸大衆威儀詳序俱詣河上諸外道言我等不能得渡此諸沙門當作何計目連化作寶橋種種嚴飾花香伎樂諸外道見各作是言沙門來遲我等先渡蹈橋墮水身服濡濕軍伏隨流佛以神力令無死

者佛與比丘儼然而進次第詳序隨進步處  
寶橋即滅目連攝其神力河還如故使諸外  
道皆悉得進佛說偈言

先得至此岸 已渡生死海 疾流不能漂

是名正智者

出僧祇律  
第六卷

目連爲母造盆十一

目連始得道欲度父母報乳哺恩見其亡母  
生餓鬼中不見飲食皮骨相連目連悲哀即  
鉢盛飯往餉其母母得鉢飯食未入口化成  
火炭目連馳還具陳此事佛言汝母罪根深  
結非汝一人力所柰何當須衆僧威神之力  
乃得解脫可以七月十五日爲七世父母厄

難中者具飯五果汲灌盆器香油燈燭床褥  
卧具盡世甘美供養衆僧其日衆聖六通聲  
聞緣覺菩薩示現比丘在大衆中皆同一心  
受鉢和羅具清淨戒其有供養此等僧者七  
世父母五種親屬得出三塗應時解脫衣食  
自然佛勅衆僧皆爲施主家七世父母禪行  
定意然後食供

出孟  
蘭經

目連爲魔所嬈十二

自連夜行弊魔化作撒影入目連腹中目連  
自念吾腹何故雷鳴如飢負擔入定觀見即  
謂之曰弊魔且出莫嬈如來及其弟子魔即  
恐懼所化撒影出任身前

出弊魔  
目連經 試

目連勸弟施并示報處十三

目連有同產弟饒財多寶庫藏盈滿儀從奴婢不可稱計目連告弟曰聞卿慳嫉不好惠施佛常顯說夫人惠施獲報無數弟聞兄教開藏惠施更新立庫欲受其報未經旬日財寶竭盡故藏悉空新藏無報其心懊惱向兄說曰前見告勅施獲大報不敢違教竭藏惠施當來過去諸貧窮者靡不周遍寶貨竭盡新藏無報將無爲兄所疑誤乎目連曰止止莫陳此語無使異學邪見之士聞此麁言若使福德當有形者虛空境界所不容受吾今權且示汝微報若欲見者從隨我來目連以

神足力手接其弟至第六天彼有宮殿七寶  
合成前後浴池香風遠布庫藏盈滿不可稱  
計玉女營從數千萬衆純女無男亦無夫主  
弟問目連是何宮殿巍巍乃亦不見有男純  
是女人目連告弟汝自往問曰是何宮殿天  
女報曰閻浮利內迦毗國釋迦文佛神足弟  
子名曰目連有弟大富好喜惠施周窮濟乏  
命終之後當來生此與我等作夫其人聞喜  
善心生焉還至兄所大懷慚愧頭面懺悔還  
至世間廣施不倦出目連弟布  
施望即報經  
目連伏菩薩慢十四  
目連承佛聖旨西方有一世界名光明幡佛



名光明王現在說法目連到彼聽佛語詞其  
身長四十里諸菩薩身長二十里其諸菩薩  
所食鉢器其高一里目連行鉢際上時諸菩  
薩白世尊曰唯然大聖此至何從來被沙門  
服行鉢際上於時彼佛言諸族姓子慎勿發  
心輕慢此賢所以者何今斯少年名大目連  
是釋迦文佛聲聞弟子中神足第一時光明  
王佛告大目連吾土菩薩及諸聲聞見卿身  
小咸發輕慢仁當顯神足力承釋迦文威德  
目連稽首足下右遶七匝却在佛前白言今  
欲跏趺此地容不佛曰如意所樂時大目連  
踊在虛空億百千仞在彼寶域變作一床跏

跌而坐。從其床坐。垂衆寶珠。億百千垓。一一珠瓔。出百千光。一一光明。各有蓮華。一切蓮華。現釋迦文身。坐蓮華上。其所言說。如釋迦文音響。清淨班宣。經典等無有異。口連顯神足。已復任佛前時。請菩薩歎未曾有。白佛言。是目連以何等故。詣此世界。世尊告曰。欲試釋迦文佛音響。所徹遠近。故到此土。時光明王佛告大目連。仁者不宜試。如來音響。如來音響無限。無遠無近。廣遠無量。不可爲喻。時大目連自投足下。改懺悔過。唯然世尊。我身不敏。佛音無量。而橫生心。欲知其限。其光明王告大目連曰。汝雖遠來。到此佛土。復白佛言。

甚遠天中天身勞極不能復還至其本土世  
尊告曰云何以汝神力到此世界故是世尊  
釋迦文佛威德所立當遙自歸稽首作禮於  
釋迦文佛自當得至假使卿身以已神足欲  
還本國一劫不至目連右膝著地向於東方  
釋迦文佛所叉手自歸屈伸臂頃即時得至

出蜜迹金剛力  
士經第三卷

目連以神力降化梵志十五

佛告目連有一大國去斯八千處在邊境不  
覩三尊習於顛倒王及臣民奉事梵志有五  
百人並得五通能移山注流分身變化國有  
大山塞民徑路舉國患之王向梵志說梵志等

即繞山坐各一其心以道定力山起欲移佛告目  
連汝往彼國現神通化濟度梵志及國君民  
令遠三塗永處福堂目連放光過絕日月懸  
處空虛當其山巔山爲不動梵志驚曰此山  
已起誰抑之乎日無精光此將有以中有明  
者觀衆弟子誰穢濁者令山不移仰頭觀見  
覩一沙門當其山上梵志僉曰正是瞿曇弟  
子所爲梵志呼曰王令吾等爲民除患汝抑  
之爲目連荅曰吾自懸虛誰抑汝山梵志三  
盡道力欲令山移山又三下遂成平地梵志  
顧相謂曰夫有明達道德深者則吾師也咸  
興正服稽首敬白願爲弟子示吾極靈目連

曰汝等欲去眞就明者善吾有尊師号曰無  
上正眞天中之天爲一切智汝等皆往到佛  
所諸梵志曰佛之道化寧踰於師乎目連荅  
曰佛德如須弥吾等似芥子汝等尋吾後即  
至佛前具陳其情内外清淨唯願世尊蕩其  
微垢令成眞淨梵志見佛心開意解皆作沙

門

出佛說  
志心經

目連化諸鬼神自說先惡十六

昔目連至雪山中化諸鬼神及龍闕叉阿須  
倫捷陀羅等時有一捷陀羅神居士寶宮與  
衆超絕身形端正聰明殊特然人身狗頭目  
連恠問何以乃尔荅曰吾維衛佛時大富長

者也喜飯比丘梵志供給貧乏爲人急性弊  
惡麤言罵詈直出不避老少飲食人客小不  
可意便云不如以食餒狗以是之故狗頭人  
身好施供養受此福堂

出諸經  
要事

目連現二神足力降二龍王十七

佛命長老阿那邠坻當行布施即起長跪叉  
手白佛願佛衆僧明日降神到舍欲設麤飯  
佛默然受佛告諸比丘明早當上天投日中  
下會邠坻舍飯佛以明旦與諸比丘如彈指  
頃即昇虛空時有羅漢名曰私檀即正衣服  
於虛空中白佛言我數上天未曾聞冥如今  
佛言有兩龍王大瞋吐霧是故冥闇復有羅

漢名曰受彼即白佛言余欲止之佛言龍大有威神汝往必當興惡吐水沒殺人民蠕動之類目連白佛我欲往諫佛言大善目連即到龍所龍見目連即口出煙須臾出火圍目連一重目連以道意亦化出火圍龍三重復變身入龍自中左入右出右入左出如是次第從耳鼻入出或飛入其口龍謂目連在其腹中矣目連復變身圍遶龍十四重以身勅兩龍龍大恐怖尾扇海水動須弥山佛遙告目連此龍尚能吐水沒殺天下汝且慎之目連白佛我有四禪神足常信行之我能取是須弥山及兩龍著掌中挑擲他方又能以手撮

虜須弥山令碎如塵令諸天人無覺知者兩  
龍聞之即便降伏目連還復沙門龍化爲人  
稽首作禮悔過目連愚迷狂惑不識尊神觸  
犯雲霧乞哀原罪兩龍懺悔前受五戒稽首  
佛足作禮而去

出降  
龍經

目連遷無熱池現金翅鳥十八

時阿耨達與其眷屬三月請佛入無熱大池  
供養并諸神通果辦菩薩及弟子衆許其半  
月龍喜興雲震電降雨普遍天下忽然之頃  
還昇宮中召五百長子其名善牙善施等五  
百長子吾今以請平等正覺及衆菩薩諸弟子  
俱盡其半月汝等當同一心廣相勉勵加敬世



尊勤念無常當各寂靜謙恪恭肅住侍如來  
棄捐欲意及龍戲樂除貪怒害離色聲香味  
細滑所以者何世尊無欲安庠仁雅審諦調  
從承佛教誡汝等半月無得入官除姪恚愚  
癡如來宣講法故必有他方神通菩薩釋梵  
持世宿淨天子當普來會汝等勤念廣施慎  
勿中懈令諸會衆觀變踊躍於雪山下無熱  
池中化無瑕琉璃座縱廣七百由旬周而列  
置八万四千雜寶行樹諸堂之上有師子座  
八万四千皆大高廣有龍采女各二千人其  
色姝妙姿媚無量口出熏香擎持雜華末香  
塗香調作諸妓以詠佛德興悅衆會於虛空

中幡綵垂間寶鈴和鳴音踰諸樂施饌百味  
與其眷屬遙啓世尊佛與八万四千菩薩皆  
大神通弟子二千亦上神足到無熱王宮目  
連承佛神旨遷無熱池現於虛空去地七丈  
化身色像若金翅鳥王住龍宮上便告王言  
如來至也龍衆驚怖毛豎四走藏竄龍王慰  
之曰且各安心勿恐此爲賢者大目達可作  
倡伎相應進迎正覺及諸弟子至無熱池設  
廣博場師子之座龍與其衆手自執斟所設  
饌具踰世甘肥延有天味以用供養飯畢洗  
器竟佛爲說法一切會者各懷踊躍

出弘道  
廣顯三

目連三觀不中其心皆實事虛十九  
佛住舍衛城時諸比丘集在一處共作是論  
善法講堂柱拄梁不目連言拄梁

又有一無歲比丘言不拄即遣神足比丘往  
看還言不拄諸比丘語目連言汝不知何故  
言拄妄語不實應擯馱遣即集衆僧佛乘神  
足從空而來知而故問諸比丘汝作何等答  
言目連乃至不拄言拄不實妄語欲作羯磨  
佛問無歲比丘汝云何知不拄

荅言世尊我曾一時在善法講堂坐禪佛語  
目連汝何故不自看汝應審實目連心實而  
不犯戒

目連心實事虛二十

人問目連是多浮池水從何處來目連荅言  
此水從阿耨達池中來諸比丘言阿耨達池  
其水甜美有八功德此水沸熱鹹苦何有此  
事目連汝空言過人法故作妄語應滅擯駟  
出以事問佛佛語諸比丘汝等莫說目連過  
罪何以故阿耨達龍住處去此極遠是水本  
有八功德甜美遙歷五百小地獄過是故鹹  
熱汝等若問目連是水何故鹹熱目連能隨  
相荅又一時大旱無雨目連入定見却後七  
日天當大雨滿諸溝坑城邑聚落悉聞此言  
皆大歡喜國中人民皆捨衆務覆屏蓋戲數

到七日諸比丘語目連汝言七日天當大雨  
滿諸溝坑今風尚無何況雨耶汝空言過人法  
故妄語欲滅擯駟出佛聞是事語諸比丘目  
連見前不見後如來見前亦見後七日有大  
雨下有羅睺阿脩羅王以手接去置大海中  
目連隨心想說是故無罪

十出十誦律  
誦第四

經律異相卷第十四

丙

蟒

母朗  
大也

慙

井滅反  
急性也

瓮

盆字

媯

奴鳥反  
弄也

天竺

下音

竹國名

甲冑

下直又反  
頭鎧也

郗羅

上丑反  
知反

暇

音夏  
閑

爪

之巧

反與

書籍

下才反  
亦反

矜

居陵反

荅

下音則

酢

也

豪爽

上音毫  
反

踈

兩也

刪

上所反

寢

七也

愛

上音喘

尺軟

阿說

下音悅

幼稚

下童反

直利

也

況

上音

犯反娛樂上音愚豐各上許近反水澆下  
廣也反歡一音也罪也禍也反下  
注既音古愛反一權攘除而羊反懌音亦音上

目放積子智反憤燒上焚稻飯道上音滓反側史  
也放積子智反憤燒上焚稻飯道上音滓反側史

獨也整呼各反一音喻許及反悲悼下音盜羅  
也整呼各反一音喻許及反悲悼下音盜羅

鞞下類抗陶浪上苦女妻細下七卒二同七愕  
下類抗陶浪上苦女妻細下七卒二同七愕

然驚上吾各反懷挾下胡憤怒氣也徙移紫反  
上吾各反懷挾下胡憤怒氣也徙移紫反

駱驛上音落亦白馬黑驛矜恤下思居陵反  
上音落亦白馬黑驛矜恤下思居陵反

憇也何怙下音戶捐棄下音綠懊惚作下正  
也何怙下音戶捐棄下音綠懊惚作下正

手搏下音博了戾下經曲也一孽補麥反酷  
下音博了戾下經曲也一孽補麥反酷

苦篤反劇增也逆反萎悴下才遯反蹴秋六反  
反劇增也逆反萎悴下才遯反蹴秋六反

泡沫二字音陣棧上音排標力追濡濕上而朱  
二字音陣棧上音排標力追濡濕上而朱

乳哺下音步食在挺燭作燈撤反直列抑制音憶  
下音步食在挺燭作燈撤反直列抑制音憶

口下音步食在挺燭作燈撤反直列抑制音憶  
口下音步食在挺燭作燈撤反直列抑制音憶

域

于方力反

媛

古作媛

衰反

數也

珠

瓔

下反

一

盈

過

於反

葛也

饒

紆一

瑞

反

邠

上反

遲

布

巾

及下

音

蠕

動

上

音

軟也

挑

擲

上下

土

亦

反

手

撮

活下

反

勉

勵

下

音

例

謙

下

反

各

瑕

音

遐

姿

媚

下

眉

二

藏

竄

下

反

倡

反

恭

音也

甘

肥

非

反

醜

二

同

溝

坑

上

反

覆

屏

下

音

餅

副

蓋

也

也

也

也

也

也

也

也

也

也

也

